

Nakon šest godina rada u Tuzli dr. Krajewska je rado prihvatila ponudu da radi u Sarajevu, gdje je i prešla 1. oktobra 1899. godine, nakon što je pronašla dr. Jadwigu Olszewsku kao svoju zamjenu u Tuzli i upoznala je sa procedurama i terenskim radom. U Sarajevu je osim posla liječnice bila i predavač u državnim i privatnim ženskim školama, a učestvovala je i u nacionalnim i kulturnim aktivnostima sa poljskim zemljacima. Zbog narušenog zdravlja penzionisana je 1922. godine, te se vratila u rodnu Varšavu 1927. godine.

Dnevnik koji je vodila tokom boravka u Bosni i koji je kasnije objavljen je neiscrpno vrelo informacija o životu bosanskog društva u austrougraskom periodu, ali i o Poljacima koji su u tom periodu živjeli i radili u Bosni. Ostala je u pamćenju kao izvrsna liječnica i dobra prijateljica svojih pacijentica. U parku Univerzitetskog kliničkog centra Tuzla 2007. godine postavljena je bista dr. Teodori Krajewskoj u znak zahvalnosti i priznanja.

Dr. Teodora Krajewska je umrla u Varšavi 5. septembra 1935. godine.

„Za vrijeme putovanja po kotarevima, ne primam niti novac, niti darove. To je opće pravilo za sve vladine liječnike. Vlada plaća troškove puta i dnevnice.“

Iz dnevnika Teodore Krajewske. (Navedeno prema: Zdravka Zlodi, Tomek J. Lis, Bosna u uspomenama poljske liječnice Teodore Krajewske z Kosmowskich (1854.-1935.), Hrvatski institut za povijest, Zagreb 2015, str. 145)



Dr. Teodora Krajewska, fotografski studio Schädler Sarajevo. (Historijski muzej Krakov)

Teodora Krajewska

„Imala sam sreće, da sam u najtežim trenucima uspjela naći posao. Vjerujem da ću i ovdje imati mnogo za napraviti i biti od koristi. Dobila sam posao, dosad netaknut, što čeka na nekakvu brižnu ruku, da posije zdravo sjeme. Možda će to sjeme niknuti, ako ne sada, onda kasnije. Izdržat ću.“

Iz dnevnika dr. Teodore Krajewske (Navedeno prema: Zdravka Zlodi, Tomek J. Lis, Bosna u uspomenama poljske liječnice Teodore Krajewske z Kosmowskich (1854.-1935.), Hrvatski institut za povijest, Zagreb 2015, str. 110)

40532/15

Name: *Dr. Teodora Teophila v. Krajewska, geb. v. Kosmowska*

Charakter: *Amtsärztin*


Diätenklasse: *VIII*

Gehaltsstufe: *I* Besoldung { an Gehalt jährl.: *3600* K „ Zulage „ *1380* }

1	Geburtsjahr und Geburtsort:	<i>1854 Warschau</i>
2	Zuständigkeit:	<i>Gen. Włocławek, Bez. Żelazny, Polzowice</i>
3	Nationalität:	<i>Polin</i>
4	Religion:	<i>Römisch-Katholisch</i>
5	Stand:	<i>Witwer</i>
6	Namen und Geburtsjahre der Kinder:	
7	Zurückgelegte Studien und abgelegte Prüfungen, welche für den Landesdienst erforderlich sind:	<i>Nädchen-Real-Gymnasium in Warschau. Doktorat der gesamten Heilkunde an der Genfer Universität. 1892.</i>
8	Sprachenkenntnis:	<i>polnisch, französich, serbo-kroatisch, deutsch, russisch.</i>
9	Militärverhältnis:	
10	Stellung vor der Aufnahme in den bosn.-herz. Landesdienst:	<i>Assistent am physiologischen Laboratorium in Genf. 20. März 1893.</i>
11	Anrechenbare Dienstzeit seit:	<i>Don ersten Dienst-zeit abgelegt am: 29. März 1893.</i>
12	Anmerkung: (Auszeichnungen, Disziplinarstrafen etc)	<i>Rangiert nach: vor: Auszeichnung Dr. Henry Olszewski. 1. Belohnung Anerkennung für die während der Cholera-Epidemie im Jahre 1893 in Tuzla geleistete Arbeit. 2. Auszeichnung für Syphilis-Forschung.</i>

260332/14

Službeni zapis o dr. Teodori Teofili fon Krajewskoj (rođenoj fon Kosmowska), koja je služila kao kotarska liječnica (Amtsärztin). Doktorat iz medicine stekla je na Univerzitetu u Ženevi 1892. godine, a službu u Bosni i Hercegovini započela je u martu 1893. godine. Dokument također navodi da je dobila pohvalno priznanje za rad tokom epidemije kolere 1893. u Tuzli te ministarsko priznanje za službu u suzbijanju tifusa. (ABH, ZMF)



Tekst pod nazivom „Doktorki w Bosnii“ (Doktorke u Bosni) govori o radu poljskih liječnica u Tuzli i Mostaru, dr. Teodori Krajewskoj i dr. Bohguslawi Keckovoj. (Novine “Dziennik Krakowski” br. 178 od 5. augusta 1896. godine)



Bista dr. Teodore Krajewske postavljena 2007. godine u parku Univerzitetsko kliničkog centra Tuzla. (ATKT, FTG Z)